

ՊԱՇՏՈՆԱԿԱՆՔ

ՔԱՂՈՒԱԾՔ ԿՈՆԴԱԿԱՅ ՎԵՀԱՓԱՌ ՀԱՅՐԱՊԵՏԻ ԱԶԳԻՍ.

Վաւերացումն ի Վեհափառ Հայրապետէ ազգիս՝ Կանոնադրութեան Հայուհեաց Խնամատար Ընկերութեան Հայոց Աստրախանի ի 1 Յու-
նուարի 1891 ամի, ընդ Համարաւ 1, յայս օրինակ «Հաւան գտեալ
մեր ընդ այս կանոնադրութիւն հաստատեմք ստորագրութեամբ մե-
րով և զրոշմամբ Հայրապետական Կնքոյս»:

Կոնդակ օրհնութեան Վեհափառ Հայրապետի ազգիս ի 1 յու-
նուարի 1891 ամի, ընդ Համարաւ 2, յանուն Մեծապատիւ Զաքա-
րիայի Գրիգորեան Մերիանեանց վասն նուիրելոյ նորա թանգարանի
Հոգ. ձեմարանի Մայր Աթոռոյս զհարուստ հանքային հաւաքածոյս:

Կոնդակ օրհնութեան Վեհափառ Հայրապետի ազգիս ի 11 յու-
նուարի 1891 ամի, ընդ Համարաւ 9, յանուն եղբարց Ալիխանեանց
Մեծ. Կոստանդնի և Յովհաննիսի վասն կառուցանելոյ նոցա ի գա-
ւիթ Ս. Աստուածածին եկեղեցւոյ Հայոց Գօրի քաղաքի զգեղեցիկ
երկյարկեայ շինուածս վասն եկեղեցական — ծխական երկսեռից ու-
սումնարանաց Հայոց տեղւոյն: Ծախելով ի սեպհականութենէ իւր-
եանց ց 10,000 ռուբլիս արծաթոյ:

Կոնդակ Վեհափառ Հայրապետի ազգիս ի 15 յունուարի 1891
ամի ընդ Համարաւ 25, յանուն Գեր. Փոխանորդին Թեմակալին
Հայոց Երևանայ, որով հաստատէ ի պաշտօն Հոգաբարձութեան
եկեղեցական — ծխական տղայոց ուսումնարանի Հայոց Թմբուլ գեղջ
ի տեղի հանգուցեալ Թադէոսի Մուրատեանց՝ զպատուելի Կարա-
պետն Օհանեան:

Կոնդակ Վեհափառ Հայրապետի ազգիս ի 15 յունուարի 1891 ամի
ընդ Համարաւ 26, յանուն Նորին Գերապատուութեան, որով թոյ-
լատրէ բանալ ի Համգալիման գեղջ Աղէքսանդրապօլու գաւառի ըզ-
միդասեան եկեղեցական — ծխական տղայոց ուսումնարան:

Կոնդակ Վեհափառ Հայրապետի ազգիս ի 15 յունուարի 1891 ամի ընդ համարաւ 27, յանուն Նորին Գերապատուութեան, որով թոյլատրէ նմա բանալ ի մեծ - Արխիւալի գեղջ Աղէքսանդրապօլու գաւառի զմիդասեան եկեղեցական ծխական տղայոց ուսումնարան:

Կոնդակ Վեհափառ Հայրապետի ազգիս ի 22 յունուարի 1891 ամի ընդ համարաւ 35, յանուն Նորին Գերապատուութեան, որով պատուիրէ նմա թոյլատրել հոգաբարձուաց եկեղեցական - ծխական երկսեռից ուսումնարանաց Հայոց Աղէքսանդրապօլ քաղաքի տալ բազմամեայ ուսուցչի մանկանց իւրեանց՝ ծերունի Մկրտչին Արաբա-ջեանց կենսաթոշակ ցմահ իւր ի տարին զերեք հարիւր ըութլիս ար-ծաթոյ ի 1 էն յունուարի 1891 ամի յարդեանց ուսումնարանաց Հայոց տեղւոյն:

Կոնդակ Վեհափառ Հայրապետի ազգիս ի 1 փետրուարի 1891 ամի ընդ համարաւ 48, յանուն Գերապատիւ Փոխանորդի Թեմակա-լին Հայոց երեւանայ, որով հաստատէ ի պաշտօն հոգաբարձութեան եկեղ. ծխակ. միդասեան տղայոց ուսումնարանի Համգաչիման գեղջ զբարեկրօն Եսայի քահանայն Տէր Եսայեանց, զերեցփոխան եկե-ղեցւոյ տեղւոյն և զյարգելի Խաչատուրն Սարգարեանց:

Կոնդակ Վեհափառ Հայրապետի ազգիս ի 6 փետրուարի 1891 ամի ընդ համարաւ 49, յանուն Գեր. Առաջնորդին Հայոց Վրաստա-նի և Իմերէթի, որով պատուիրէ նմա արձակել զբարեկ. Վազարոս քահանայն Յովսէփեանց, ի պաշտօնէ քահանայութեան յեկեղեցիս Հայոց Տփլիս քաղաքի և թոյլատրել նմա տեղափոխիլ ի Մոսկուա պաշտօնիւ դպրապետութեան երգեցիկ խմբի եկեղեցեաց Հայոց Մոս-կուայի համաձայն ցանկութեան և խնդրանաց Մեծապատիւ Անդա-մոց Խորհրդարանի յիշեալ եկեղեցեաց:

Կոնդակ Վեհափառ Հայրապետի ազգիս ի 12 փետրուարի 1891 ամի ընդ համարաւ 60, յանուն Գեր. Պատրիարքի Հայոց Կ. Պօլսոյ, որով յայտնէ նմա զսրտագին խնդակցութիւն իւր ընդ արձակումն ի բանդէն ձերբակալեալ Հայոց Կ. Պօլսոյ և գաւառաց Նորին: